

Vik skule og barnehage
5568 Vikebygd
Vikevegen 1266
Tlf. Skule: 53655730
Barnehage: 53655739
Dato: 21.09.17



Referat frå møte i samarbeidsutvalet Vik skule og barnehage 20.09.17

Desse møtte:

2 elevrepresentantar: Mona Trovåg og Hanna F. Svendsbøe

Frå FAU på skulen: Gudvin Hetland

Frå undervisningspersonalet: Judith Gundersen

Frå andre tilsette: Hjørdis Marie Vårvik

Frå foreldrerådet i barnehagen: Beate Håland

Frå tilsette i barnehagen: Ellen Skretteberg og Anne Byrkja

For kommunen : Anne Marte W. Tveit og Johannes Hustveit

Forfall: Cathrine H. Tindeland og Anna Høviskeland

SAKSLISTE:

Sak 1 Orientering om arbeidet i samarbeidsutvalet

Ved kvar skule skal det vere eit samarbeidsutval med representantar frå tilsette, foreldre, elevar og kommunen. Ved Vik skule og barnehage er det felles samarbeidsutval for skulen og barnehagen. Anne Marte orienterte om arbeidet i samarbeidsutvalet (SU). SU har rett til å uttala seg om alle saker som gjeld skulen eller barnehagen. Det er SU som er høyringsinstans for saker frå kommunen.

Sak 2 Konstituering Val av leiar og nestleiar.

Gudvin Hetland blei valt til leiar

Beate Håland blei valt til nestleiar

Sak 3 Godkjenning av årsplan for barnehagen

Anne Byrkja gjekk gjennom årsplanen for barnehagen. Ho orienterte mellom anna om at det i år er komen ny rammeplan for barnehagen. Alle i personalet har lese og jobba med den nye rammeplanen og dei blir gjennom året kursa i denne.

Årsplanen blei godkjent utan merknader.

Sak 4 Diverse orienteringssaker

- Elevrepresentantane Mona Trovåg og Hanna F. Svendsbøe forklarte korleis dei nytta iPad i undervisinga. Dei brukte den både til både til arbeid på skulen, innleveringar av oppgåver og til å gjere lekser på. Dei kunne t.d. lese inn leksene på iPaden og fekk kommentar tilbake frå læraren. Me vaksne blei skikkeleg imponert av det dei viste og kunne.
- I 2007 vedtok SU og kollegiet på skulen i samarbeid rulleringsplan for lokale tema på skulen. Dette fungerer godt og me vil halde fram med dei same tema som me har hatt.
Tema i år: " Ålfjorden"
Kulturettermiddag blir 07.06.2018.
- Me har stabilt og godt kvalifisert personale i eininga.

- Informasjon om nytt regelverk – nulltoleranse mot mobbing. Frå 01.08 er det vedteke nytt regelverk om skolemiljø.

Sak 5 Evaluering av ny tilbudsstruktur i SFO

SU ved Vik skule og barnehage sendte dette høyringssvaret:

Svar på høyring frå SU ved Vik skule og barnehage.

Evaluering av endring av tilbudsstruktur og vedtekter i Skulefritidsordninga gjort gjeldande frå 01.08.2016.

Saka er sendt ut til alle føresette som nyttar SFO-tilbodet ved Vik skule.

Saka er og behandla i personalet i SFO.

SU har fått innspel frå føresette og frå personalet.

SU ved Vik skule og barnehage gir dette høyringssvaret:

- Ordninga med at ein må kjøpe heile dagar fungerer godt. Det bør halde fram som no.
- Søskenmoderasjon bør halde fram slik som no.
- Ordninga med feriepakke bør evaluerast på nytt. Den bør vere meir fleksibel og ein bør t.d. berre kunne kjøpe sommarpakke.
- Ein bør få velje dagar fritt slik ein gjer i barnehagen. Pakkane som er laga har **ingen** hensikt og gjer både søknadsprosess og administrasjon vanskelg. Det gjer og at enkelte må betale for SFO-dagar dei ikkje nyttar, og at enkelt ikkje nytta SFO då dei synes det blir sers dyrt å måtte betale for dagar dei ikkje har behov for.
- Det må vere ein pris for lang SFO-dag og ein pris for kort SFO-dag.
- Ein må kunne kjøpe morgon –SFO utan å kjøpe ettermiddag-SFO. Ein må kunne velje kva dagar ein vil ha morgon-SFO.
- Der det ligg til rette for det bør samarbeid med barnehagane om morgontilbod halde fram. Då er tilbodet frå kl. 06.45. Dette er kanskje mogleg fleire plasser enn hos dei som nyttar dette nå.
- Gammal ordlyd i vedtektene hadde - «bør» vere 5 barn for å halde SFO open -er nå endra til «må» . Dette bør endrast tilbake til «bør». Det er viktig med forutsigbarhet for føresette, og om det er mogleg å få til å halde opent enkelte dagar med t.d. 4 barn bør det vere rom for det.



For Vik skule –SFO ville søknadsskjema (utanom ferie pakke) blitt slik:

	Måndag Kort SFO	Tysdag Kort SFO	Onsdag Lang SFO	Torsdag Kort SFO	Fredag Lang SFO
Ettermiddag Frå skuleslutt til 16.30					
Morgon Kl. 06.45-08.00					

For SU ved Vik skule og barnehage

*Anne Marte W. Tveit
Referent*

*Gudvin Hetland
Leiar*

Sak 7 Budsjettsituasjonen

Budsjettsituasjonen ved eininga er OK.

Anne Marte W. Tveit

Skrivar